



Valetaziun e promoziun da scola 2021-2026

Cundiziuns da basa

Tenor art. 91 dalla lescha da scola ei igl inspectorat da scola responsabels per la controlla e la garanzia dalla qualitat ellas singulas scolas popularas. La valetaziun e la promoziun da scola succeda sin basa da quell'incarica tenor la lescha da scola sco era tenor art. 4 alinea 2 dallas directivas per igl inspectorat da scola.

Intent dallas cundiziuns da basa

Las cundiziuns da basa dattan sclariment a tuts pertuccai davart:

- la finamira dalla valetaziun e promoziun da scola 2021-2026
- ils secturs e las dimensiuns da qualitat ch'ei d'evaluar
- ils pensums dils pertuccai
- il diever dallas datas
- la realisaziun dallas mesiras

1. Finamira

La valetaziun e promoziun da scola 2021-2026 ha la finamira da rinforzar il svilup dalla scola e da metter a disposiziun alla scola las referenzas da basa ch'ella basegna. Cun las constataziuns centralas tier ils secturs da qualitat e las dimensiuns elegidas e cun las indicaziuns da svilup che seresultan ordlunder muossa la promoziun e valetaziun da scola 2021-2026 ina vesta externa alla scola.

2. Secturs da qualitat e dimensiuns

Las informaziuns detagliadas davart ils secturs da qualitat e las dimensiuns che vegnan evaluai els onns da scola 2021 - 2026, anfleis vus ella broschura dall'evaluaziun ni sin la pagina d'internet www.avs.gr.ch.

3. Pensums dils cumpigliai

Igl inspectorat da scola presuppona che tut ils cumpigliai lavuran ensemen da maniera transparenta ed aviarta ed ein prompts d'encurir communablamein bunas sligiazions per damondas e problems che semuossan.

3.1 Cussegl da scola

Il cussegl da scola sustegn igl inspectorat da scola activamein enten

- esser presents cun silmeins ina persuna dil cussegl da scola alla informaziun dalla direcziun dalla scola ed all'occurrenza da rapport.
- declarar obligatoria la participaziun allas occurrenzas d'evaluaziun per tut las persunas d'instrucziun (davart excepziuns decida il cussegl da scola, resp. il/la meinascola).
- procurar ch'ils resultats vegnan approfondai cun il team dallas persunas d'instrucziun suenter l'occurrenza da rapport.
- organisar il resun dils resultats dalla retschercha cun ils geniturs.

3.2 Meinascola

Il/la meinascola ei responsabels che tut las persunas pertuccadas vegnien informadas davart questas cundiziuns da basa.

Il/la meinascola ei presents alla informaziun dalla direcziun dalla scola, duront l'informaziun dil team da scola, alla intervesta da sclariment, all'occurrenza da rapport sco era alla sesida directiva. La responsablidad ch'ils resultats dall'evaluaziun vegnan approfondai cun il team da scola, ei tier il/la meinascola. El sustegn igl inspectorat tier l'organisaziun. En scolas senza meinascola surpren il president/la presidenta dil cussegl da scola quel-las incumbensas.

3.3 Team da scola / persuna d'instrucziun

Las persunas d'instrucziun sustegnan igl inspectorat da scola enten

- emplenir ora il questunari davart l'instrucziun ed haver semtgau quel avon l'instrucziun.
- separticipar alla retschercha online.
- separticipar alla intervesta en gruppa.
- tematisar ils resultats dalla retschercha cun las scolaras ed ils scolars ella classa.
- separticipar alla occurrenza da rapport.

3.4 Inspectorat da scola

Il team d'evaluaziun secumpona d'inspecturas ed inspecturs dalla partizun "inspectorat da scola Grischun".

Igl inspectorat informescha la scola davart il decuors dall'evaluaziun externa e realisescha quella tenor concept.

4. Diever dallas datas

Las datas seresultadas s'audan alla scola evaluada ed agl inspectorat districtual. Il rapport cun tut las datas vegn surdaus al cussegl da scola ed al/alla meinascola.

La persuna d'instrucziun visitada retscheiva l'artga cun il giudicament dall'instrucziun ed il **profil d'utilisaziun** dalla classa.

Tuttas ils/las participont/-as dall'occorrenza da rapport retscheivan supplementarmein in rapport cun las constataziuns centralas, incl. ina selecziun dallas datas trianguladas ed anonimisadas.

4.1 Datas generalas

Igl inspectorat da scola presenta en ina occorrenza da rapport las datas ed ils resultats alla scola. La direcziun da scola vegn informada ordavon davart ils pli impurtants resultats. Las personas d'instrucziun, il/la meinascola ed il cussegl da scola survegnan la pussivladad da sclarir damondas davart las constataziuns centralas ed ils indezis da svilup cun igl inspectorat da scola.

La scola informescha il geniturs en fuorma adattada davart ils resultats dalla consultaziun dil geniturs.

4.2 Datas da cuntegn personal

En cass ch'igl inspectorat remarca durent la valetaziun e promoziun da scola deficits da qualidad resp. munconzas gravontas tier singulas personas d'instrucziun vegnan quellas plidentadas en caussa. Eventuals ulteriurs pass necessaris vegnan iniziats digl inspectorat da scola ordeifer il proceder dall'evaluaziun. Il cussegl da scola sco era il/la meinascola vegnan informai, respectivamein involvai da maniera adequata.

Las indicaziuns / valetaziuns sin l'artga da valetaziun dall'instrucziun ein notizias momentanas ed astgan buc vegnir duvradas per la valetaziun dil personal.

5. Realisaziun dil project da svilup elegius dalla scola

Il cussegl da scola ed il/la meinascola inoltreschan tochen 12 jamnas suenter la valetaziun e promoziun da scola il project da svilup elegiu agl inspectorat da scola.

La responsabladad per la realisaziun schai tiel cussegl da scola, respectivamein tier il/la meinascola.